



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESEBILI (P2)

INDLOVULENKHULU/MASHI 2011

IMEMORANDAMU

EMAMAKI: 80

Lememorandamu inemakhasi lange-22.

TICONDZISO TEKUMAKA

- Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (Umhlolwa akumelanga aphendvule indzabambhalo kanye nemibuto lemifisha encwadzini yinye.)
- Esigabeni A (Lulwimi Lwasekhaya neLulwimi Lwekucala Lwekwengogeta), uma ngabe umhlolwa aphendvule ngato tonkhe totine tinkondlo, maka letimbili tekucala kuphela.
- Esigabeni B naC (Lulwimi Lwasekhaya), uma umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Uma ngabe umhlolwa aphendvule yomine imibuto, maka kuphela imphendvulo yembuto wekucala kuleso naleso s igaba, nangabe aphendvule munye umbuto lonemibuto lemifisha namunye umbuto wendzabambhalo. Uma ngabe umhlolwa anika timphendvulo letimbili kantsi wekucala uneliphutsa ibe wesibili awunaliphutsa, maka imphendvulo yekucala kuphela uyekele lelandzelako.
- Uma tinombolo tetimphendvulo tinemaphutsa, maka ulandzele imemorandamu.
- Uma ngabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
- Umbuto wendzabambhalo: Uma ngabe indzabambhalo inemagama langaphasi kwalawo lemsiwe, umhlolwa angajezisa ngobe vele sewutijezise yena ngekwakhe. Uma ngabe indzabambhalo iyindze kakhulu, umhlolwa akavunyelwe kwengca ngemagama langema-30 ngetulu kwelinani lelimisiwe lemagenta bese **incenye lelandzelako yendzabambhalo ayisanakwa**.
- Imibuto lemifisha: uma ngabe umhlolwa angafaki bokhulumile nangabe kufanele acaphune **akangajezisa**.
- Imibuto lefuna timphendvulo letifuna LICINISO/LIPHUTSA, nobe LIPHUZU/UMBONO, limaki kumele lehlukaniswe emkhatsini, i.e.nika linye limaki, yeLICINISO/LIPHUTSA, nobe LIPHUZU/UMBONO kantsi futsi limaki lesizatfu /kwesekela/kucaphuna kumele linikwe **kuphela** nangabe incenye yemibuto yeLICINISO/LIPHUTSA, nobe LIPHUZU/UMBONO ingenaliphutsa. (kungabonikwa limaki embutweni lofuna kwesekela nobe inchazelo (LICINISO/LIPHUTSA, nobe LIPHUZU/UMBONO) lobewuvele uneliphutsa kwasekucaleni.

SIGABA A: TINKONDLO**TINKONDLO LETIFUNDVWE EKILASINI****UMBUTO 1: ETINSUKWINI LETI-16 – AT Fakude INDZATJANA**

Buka nankha emaphuzu lalandzelako:

SINGENISO:

- Kubaluleka kwemplayeto lotfolwa tetsamelilwati enkondlwani.

UMTIMBA

- Kucedza kuhlukunyetwa kweluntfu.
- Bantfwana bebahlukunyetwa etikolweni kodvwa lomuhla kulicala kuhlukunyetwa kwebantfwana.
- Bantfwana bebahlukunyetwa ngetindlela letehlukene emmangweni kubete licala kepha lomuhla kulicala lelikhulu kuhlukumeta bantfwana eveni laseNingizimu Afrika.
- Labasikati nabo bebahlukunyetwa ngetindlela letehlukene eNingizimu Afrika, sib. emsebentini. Umtsetfosisekelo wakulelive ubukene nekutsi labasikati abangahlukunyetwa nanobe nguyiphi indlela.
- Emakhaya labasikati bebahlukunyetwa ngekutsi bashaywe bayeni babo, basetjentiswe kabi. INingizimu Afrika ivete umtsetfo wekulingana emkhatsini wababe kanye namake welikhaya. Kungahloniphi lomtsetfo kulicala lelibovu eNingizimu Afrika.

SIPHETFO:

- Kubakhona nobe kungabikhona kwemplayeto enkondlwani. Kuphumelela kwasonkondlo kusetfulela umlayeto kanye netincomo lapho kufanele khona.

**BONA SICHIBIYELO SEMARUBHRIKI EKUMAKWA KWENDZATJANAMBHALO
YETINKONDLO SICHIBIYELO A.**

[10]

NOBE**TIMPHENDVULO TEMIBUTO LEMIFISHANE****UMBUTO 2: NGENTE NJANI MANJE? – LX Nkambule**

- | | | |
|-----|---|-----|
| 2.1 | Yimphindvwa ya 'Ngentalenjani manje?' | (1) |
| 2.2 | Sihabiso. | (1) |
| 2.3 | Ucondze kutsi labemetsembile sewashona/ucondze kutsi kute lusito langalutfolwa ngobe labetsembe yena akasekho. | (1) |
| 2.4 | Loko lokuvame kukhulunywa bantfu basaphila kufanele kunakisiswe kumbe kulandzelelwwe njengoba kunjalo. | (1) |
| 2.5 | Itsi lapho kungcwatjwe khona kupholile, nobe imvula ina iyifiki lapho lona lokukhulunywa ngaye alele khona, kute ngisho nelitje lesikhumbuto. | (2) |

- 2.6 Ucondze kutsi sonkondlo bamngcwabe endzaweni lefana nelugwadvule, lethulile, lenesitunge/lengenamsindvo/ lengenamphilo. (2)
- 2.7 Isuke imvisa buhlungu/imvusela emanceba/imbangela iminjunju yemicabango. (2) [10]

NOBE

UMBUTO 3: MVUNULO YEMHLABA – JJ Thwala

- 3.1 Luchumanomcondvo/i-enjambamenti, umcondvo losemceni longenhla uphelela emgenci lolandzelako. (1)
- 3.2 Ikhuluma ngemvelo, tjani netihlahla letinhle, letihlobise umhlabo. (1)
- 3.3 Sifutamsindvo

Kuncwincwita tincwincwi,
Kucocodza tincocodzi,
Kusweseta tinsweti. (1)
- 3.4 **Buhle bakho buyababateka/**
Buhle bakho buyamangalisa/
Buhle bakho benanelwa (1)
- 3.5 Lenkondlo inetindzima letine, indzima 1,3 na 4 tinemigca lesitfupha kutsi indzima 2 ibe nemigca leshlanu. Imigca inemagama lehlukene, lamabili kuya kulamatsatfu. (2)
- 3.6 'Umuhele mvunulo yemhlabo'. Sonkondlo ugcizelela buhle lobuletfwa yimvelo. (2)
- 3.7 Ngumbiti/simuntfutiso, ngoba sonkondlo ukhuluma nemvelo ungatsi itamphendvula. (2) [10]

NOBE

UMBUTO 4: UMTAPO – CD Masilela

- 4.1 Sonkondlo usebentise luphawu lolusibabato kugcizelela kubaluleka/kubabata lusito lanalo gogo. (1)
- 4.2 Sonkondlo ufunu kusitjela kutsi gogo usilulu selwati, sekulondvolota emagugu nemasiko esive. (1)
- 4.3 Ucondze kusitjela kutsi cishe lwati lolunyenti lutfolakala kubogogo/lwati lanalo angalupha bantfu labehlukahlukene ngekwetindzawo tabo njengobe lutfolakala etincwadzini. (1)
- 4.4 Ungumapo loligugu etitukulwaneni! (1)

- 4.5 Inemoya wekubonga – Siyabonga gogo loliqugu/
Wekudvumisa – Ungumtapo loliqugu etitukulwaneni! (2)
- 4.6 Sihloko lesitsi umtapo siyahambelana naloko lokushiwo yinkondlo ngobe
umtapo kulapho kugcinwa khona tincwadzi telwati, kantsi gogo naye utsatfwa
njengemtapo welwati emphilweni yesive. (2)
- 4.7 Bogogo bangakhelwa emakhaya alabadzala, bangaholelwa imali
yetimphunga, labeswelako banganikwa kudla. (Imibono itawehluka) (kubili
kwaloku) (2)
[10]

TINKONDLO LETINGAKAFUNDVWA EKILASINI

UMBUTO 5: NGICOLELENI – MA Magagula

INDZATJANA

Buka nankha emaphuzu lalandzelako:

SINGENISO:

- Kuveta ingcikitsi yenkondlo: lekuyinkhumbulo, nendlela levetwe ngayo

UMTIMBA:

- Imicabango lefika ebusuku imcedzele butfongo.
- Inkhumbulo yenina longasekho labelitibulo kuye.
- Buhlungu netinsizi letivuswa ngulenkhumbulo.
- Nekutsi lemicabango iletsa loko labesakukhohliwe, ngiko atsi imicabango
ayimcolele.

SIPHETFO:

- Kuphumelela nobe kwehluleka kwasonkondlo ekuveteni ingcikitsi yakhe kanye
netincomo lapho kufanele khona.

**BONA SICHIBIYELO SEMARUBHRIKI EKUMAKWA KWENDZATJANAMBHALO
YETINKONDLO SICHIBIYELO A.**

[10]

NOBE

UMBUTO 6: NDVUKU YEMLINGO – JJ Thwala

- 6.1 Sibhamu. (1)
- 6.2 Sichumachumane setimangaliso,
Liklobakati lakho lembhubhiso, (1)
- 6.3 Luchumano
 - Ngawe kulalwa benyoni,
 - Ngawe kulalwa kungadliwa
 (1)
- 6.4 Kubangelwa kutsi ummango uyatesaba tibhamu ngoba tiyabulala futsi
kuhlaselwa ngato. (1)
- 6.5 Usho ngoba umuntfu losebentisa sibhamu utsatfwa njengeligwala. Sitsa
usidubula akhashane, kumbe asinyonyobele ebusuku asibulale singakalwi
nekulwa wehlukile kulolwa asebentise indvuku. (2)
- 6.6 Ulikhetse ngemphumelelo lenkhulu ngoba sibhamu nasidubula sikhafula
umlilo lohambisana nenhlavu lebhubbisako. (2)
- 6.7 Imibono itawehluka, labanye batawutsi ikahle, besekele ngekusetjentiswa
kwetibhamu kutivikela kantsi labanye batawutsi kubi, besekele ngekubulawa
kwebantfu kubanjwa inkunzi. (2)
[10]

SAMBA SIGABA A: **30**

SIGABA B: INOVELI**LIPHUME NEBOVU – BB Malangwane****UMBUTO 7: INDZABAMBHALO**

Timphendvulo titawehluka. Bahlolwa batawulandzela loluhlaka lolulandzelako:

SAKHIWO SENOVELI:**SINGENISO:**

Bahlolwa bachaza sihloko naloko labatawucoca ngako etindzabenimbhalo tabo. (Sib. Inoveli lebhaleke kahle iveta sobala tigaba letehlukene tesakhiwo senoveli – setfulo, ludvweshu, sicakacaka, luvutfondzaba, siphetfo).

SETFULO SENOVELI:

Bahlolwa baphawula ngesetfulo senoveli lekulindzeleke kutsi sivete lamaphuzu lalandzelako:

- Sibekandzaba
- Indzawo
- Sikhatsi
- Umlingisi lomcoka
- Inkinga lekubukenwe nayo.

LUDVWESHU:

Ludvweshu kulapho kuphambana khona imibono – Bahlolwa kumele bavete sigameko lesiveta loko – ludvweshu lucala ekucaleni lapho LaMagagula sekashiyewe nguLushawulo nebantfwana sebabulawa yindlala, kantsi wamteka amtsandza.

SICAKACAKA:

Sicakacaka sigaba sembhalo lapho tintfo seticake balingisi, kakhulukati umlingisi lomcoka, njengaLushawulo lapho sekabukene naTintfombi amletsele umntfwana langamati kantsi sewushiye LaMagagula, ngalapha bamshisele nendlu labehlala kuyo, nenina kutsiwa nguye locedza bantfwabakhe, njll. (Imibono itawehluka) – kodvwa akuvele kutsi tinkinga tichamuka ngebunyenti kufuneka tisombululo. Tetsamelilwati nato seticakekile kutsi sisombululo lesifanele kungaba ngusiphi.

LUVUTFONDZABA:

Bahlolwa abasho kutsi lesigaba sendzaba ngiso lesinika litsembe lesisombululo kuletinkinga letinyenti lebekubukenwe nato esigabenit sesicakacaka. Sigameko sasemkhayeni ngiso lesiluvutfondzaba ngobe sinika litsembe lesisombululo setinkinga tesicakacaka. Sib. Kutawuvela sobala kutsi bantfwana bacedvwa yini; ngabe yini lebangela Lushawulo angabuboni bubi lobentiwa nguTintfombi; ngabe unina utsakatsa ngempela yini, njll

SIPHETFO SENOVELI:

Kulesigaba bahlolwa kumele basho kutsi sisombululo ngabe sitfolakele yini nobe cha, babuye basho nekutsi sibumbene nendzaba yonkhe. Sib. Konkhe kwavela sobala kutsi sihlava bekunguTintfombi ngobe afuna kutsi Lushawulo abuke yena kuphela akhohlwe ngenina, bantfwabakhe nemfati wakhe lomkhulu.

SIPHETFO SENDZABAMBHALO:

Lapha bahlolwa basonga konkhe loku bebacoca ngako lapha ngenhla, basho nekutsi ngabe umbhali uphumelele kangakanani kubhala umbhalo loveta letigaba letingenhla.

BONA SICHIBIYELO B SERUBHRIKI YEKUMAKA INDZABAMBHALO.

[25]

NOBE**UMBUTO 8 (IMIBUTO LEMIFISHA) *LIPHUME NEBOVU – BB Malangwane*****IMIBUTO LEMIFISHA**

- 8.1 Similo saLaMagula simveta angumunfu lobeketelako ngobe bekumatima emendvweni wakhe kodvwa wangahambi. Nenhltiyo yakhe yinhle ngobe nobe uninatala abesacale kumecwaya yena wachubeka amtsandza, waze wamlwela ngalesikhatsi Lushawulo amcosha, atsi uyatsakatsa, wangamecwayi nazakwabo lobekangamtsandzi, waze wamncengela kuLushawulo kutsi angashisi indlu yakhe. njll. (2)
- 8.2 Luvutfondzaba lutfolakala lapho sebasemkhayeni lapho kuyotfolakala khona sisombululo senkinga yekufa kwebantswana baLushawulo. (2)
- 8.3 Umuti waLushawulo bewakhiwe sintfu. Tindlu tesintfu tifulelwa ngetjani, lokwenta kutsi kube lula kulumeka ngemetjiso. (2)
- 8.4 Timphendvulo titawehluka. Labanye batawubeka liphuzu lekwesweleka kwemisebenti njengoba kunjalo lapha eNingizimu Afrika lapho bantfu bahleli emakhaya, labanye benta imisebenti labangakayifundzeli ngenca yendlala yemisebenti.
Labanye batawubeka liphuzu lemali, kutsi mhlawumbe kutisebenta kungahle kube nemali lenyenti kunekuba ngumlimisi, njll. (2)
- 8.5 Bahlolwa kumele babhekise kuletento taLushawulo tekungalwi naTintfombi ngekutfola umntswana wasesihlahleni nekukholwa uma amtjela kutsi unina uyatsakatsa, waze wasanguluka emva kwekuba sekahambele tinyanga letinyenti. (2)
- 8.6 Litfumba ngulemfihlo yekufa kwebantswana kungatiwa kutsi bacedvwa yini. Umbhali ukufanisa nelitfumba. Kubhoboka kwalo liphume nebovu kulapho kuvela khona emaciniso ekutsi labantswana babulawa ngutintfombi. (2)
- 8.7 Kumbulalela bantfwabakhe; kumenta silima acabange kutsi unina uyatsakatsa; kumehlukanisa nemkakhe nebantfwabakhe, kutfola umntswana longasuye wakhe kodvwa abe ahlala naye, njll. (Imibono itawehluka) (kubili kuphela). (2)

- 8.8 Labavumako nobe labaphikisako abesekele ngemaphuzu levakalako. Sib. Abehlukumeta umkakhe, LaMagagula, nebantswana ngekungamtsengeli kudla/washisa tindlu taTintfombi, waneti emngcwabeni kutewusingatsa umkakhe, njii.
Abengasuye umhlukumeti ngobe kuvetwe encwadzini kutsi wabulawa inhlitiyo kutsi ente tintfo langakatimiseli kutenta, kuphela nje uma tivuna Tintfombi. (Imibono itawehluka). (2)
- 8.9 Kunalenkholelo yekutsi sifo sengculaza singena ngendlela yetemacasi. Uma untjitelela bafati ungahle uhlangu nalonaso lesifo sikungene. Lushawulo akazange ahlale naLaMagagula kuphela. Wacocomela kuTintfombi. Wabuye watsandzana naleya nfombi leyamshisela lilawu lakhe ngenca yesikhwele. Kuyabonakala nekutsi abengalisebentisi nelijazi lemkhwenyane ngobe abefolisa bafati bakhe bantswana. (2)
- 8.10 Uphumelele kahle kakhulu kuveta umlingisi lomcoka longuLushawulo ngobe uphat selene nendzaba yonkhe kusukela ekucaleni kute kuyofika esiphetfweni. (2)
- 8.11 Umlingisi lomcoka nguLushawulo. Tintfo latenta eJozи tiyahambelana nemphilo yaseJozи – kusebenta, kutsandzana naTintfombi. Netintfo letenteka emakhaya – indlela laphatsa ngayo LaMagagula, tihambisana nemphilo yasemakhaya: Sitsembu, tindlu tetjani, kuhamba ekhaya uyosebenta eJozи, kushiya umfati uhambe sikhatsi lesidze. (imibono itawehluka). (2)
- 8.12 Lushawulo wamema wonkhe umndeni webafati bakhe kutsi bayotivela emkhayeni. Loko kukhombisa kutsi tintfo letimatima njengemkhaya ngeke utente ngaphandle kwelusendvo. (3)
[25]

NOBE

UMBUTO 9: KUBAMBA LETINGELAKO – DE Nkosi

INDZABAMBHALO

EMASU EKUVETA BALINGISI.

Timphendvulo titawehluka tilandzele emasu lakhetswe bahlolwa.

SINGENISO

Bahlolwa kufanele bavete emasu lamane lehlukene lasetjentiswe ngumbali ekuveteni balingisi. Lamasu afaka ekhatsi lawa lalandzelako:

- Kwetsa emagama,
- Tibongo,
- Kuchaza,
- Tento tebalingsi,
- Nenkhulumiswano

UMTIMBA

Lapha kulindzeleke kutsi bafundzi benabe ngaloko labakubale esingenisweni, bakhulume ngebalingisi labavetwe ngekusebentisa lamasu langenhla. Sibonelo:

- **Kwetsiwa kweligama:**

Mphikeleli uvetwe **ngekwetsiwa ligama** kutsi ungumuntfu lophikelelako uma intfo ayifuna, ikakhulukati imphumelelo nentfutfuko.

Lapha bahlolwa kulindzeleke kutsi babale tigameko lapho Mphikeleli aphikelela khona, letifaka ekhatsi leti letilandzelako

- Kuphikelela kutfola indzawo yekuhlala.
- Kuphikelela kufundza.
- Kuphikelela kuvikela kucoshwa kwakhe esikolweni.
- Kuphikelela nekusebentela ummango

Nalamanye emaphuzu langakabalwa lapha ngenhla lahambelanako naloku.

- **Tento:**

Tsabetse uvetwe **ngetento** kutsi ungumlingisi lonemona nenhlitiyo lembi, lofuna kwentela Mphikeleli phasi.

Lapha bahlolwa kulindzeleke kutsi babale tigameko lapho Tsabetse entela Mphikeleli phasi khona, letifaka ekhatsi leti letilandzelako:

- Kwala kupha Mphikeleli indzawo yekuhlala.
- Kufuna kumcosha esikolweni kute angafundzi.
- Kufihla tincwadzi tekufa nekungcwatjwa kwebatali baMphikeleli

Nalamanye emaphuzu langakabalwa lapha ngenhla lahambelanako naloku.

- **Inkhulumiswano**

Matsiya uvetwe ngekhulumiswano kutsi ungumlingisi longakaphili enhloko kodvwa lofundzile, lolimelako liciniso futsi lositako lapho kufanele khona.

Lapha bahlolwa kulindzeleke kutsi babale tigameko lapho Matsiya akhuluma khona, letifaka ekhatsi leti letilandzelako:

- Usita Mphikeleli umtfolela indawo yekuhlala nobe agula nje.
- Enkhulumeni yakhe ukhuluma ngemaphepha emtsetfo nakamela Mphikeleli kukhomba kutsi ufundzile.

Mphikeleli uvetwe ngendlela lakhuluma ngayo na Tsabetse kutsi ungumlingisi lohloniphako.

Tsabetse uvete ngenkhulomo kutsi unemona.

- **Tibongo/Tinanatelo.**

Liningi lebalingisi livetwe ngetibongo. Labanye balingisi bafaka ekhatsi laba labalandzelako:

- Tsabetse – Sihlasi, Mgukama, Mahlalela ...
- Shongwe – Mntimandze, Bhambolunye, Tingabatimbili tekhabonyoko,...
- Mkhwanati – Nkhwali yenkhosi, Wena Somkhele,... , naletinye letibaliwe enovelini.

- **Kuchaza**

Umbhalu uvete Mphikeleli ngecumchaza sib: ugcoka kahle uze afake nelulwimi lwenkhomo, uyatisandza. Uchaza Magumeni, sib: uyabonakala nakangakaphatseki kahle, uvele abukeke ngatsi uyagula. Bahlolwa sebangeneta labanye balingisi labavetwe ngalendlela.

SIPHETFO SENDZABAMBHALO

Bahlolwa baphawula ngekwemibono yabo ngemphumelelo nobe kwehluleka kwembhali kusebentisa lamasu kuveta balingisi bakhe babuye banike netincomo lapho kufanele khona.

BONA SICHI BIYELO B SEMARUBHRIKI EKUMAKWA KWENDZABAMBHALO.

[25]

NOBE

UMBUTO 10: KUBAMBA LETINGELAKO – DE Nkosi

10.1 10.1.1 Ngiyavumelana nayo. Tsabetse wamona kakhulu Mphikeleli ngecumncisha indzawo yekuhlala, wamcambela emanga atsi uliphekula, futsi ubuya ejele, ngoba afuna kumcoshisa esikolweni.

Wetama kutsi agcugcutele ummango ungavumeli Mphikeleli kutsi aletse intfutfuko eMbalenhle. Lokukhulu kunako konkhe wamfihlela konkhe lokuphatselene nebatali bakhe, kodvwa Mphikeleli akazange ambambele emagcubu. Kuletheksthi Tsabetse ukhombisa kuocolisa kuMphikeleli.

(2)

10.1.2 Mphikeleli abekhaliswa kutfola emaciniso labesolo awafuna angawatfoli nekutsi Tsabetse abemhlupha kangaka nje kantsi umfihlele emaciniso emininingwane yekufa nekungcwatjwa kwebatali bakhe.

(2)

10.1.3 Mphikeleli bekangaketeli tincwadzi tebatali bakhe. Beketele kutewukhuluma naTsabetse ngetindzaba telukhetfo lwebumeya, naku sekahlangana netincwadzi tekushona kwebatali bakhe.

(2)

10.1.4 Kutsi atewutibonela kutsi lamaphepha acuketse imininingwane yebatali bakhe kunekutsi amtjele ngemlomo.

(2)

- 10.1.5 Kulamavi aTsabetse ekutsi kadze alifuna litfuba lekukhulumisana naMphikeleli ngetindzaba letibatsintsako, kuyabonakala kutsi abehlushwa ludvweshu Iwangekhatsi ngaloko lakwenta kuMphikeleli, sekatisola afuna kucolisa. (2)
- 10.1.6 Ibumbene kakhulu, ngoba konkhe lebekufunwa nguMphikeleli kugcine kuvelile, nekutsi kutfola kwakhe Iwati ngebatali bakhe kumente wakhululeka kakhulu nemphumelelo yaba yinkhulu wakhetfwa waba yimeya. (2)
- 10.1.7 BoMphikeleli naTsabetse bekucatjangwa kutsi indzaba itawuphela bangafunani, kodwva jikiyani kuletheksthi lengenhla babonakala sebacolisana, lokudala ingwijikhwebu esiphetfweni salendzaba. (3)
- 10.2 10.2.1 Ingumbo. Akanalo liciniso laloku lakushoko, uvakala ngekutsi Mphikeleli liphekulatikhuni. Mphikeleli bekangekho ejele, utsi bekaseTanzaniya, wabalekela kuboshwa ngesikhatsi sembalandlati. (2)
- 10.2.2 Letheksthi iludvweshu Iwalenovel. Lapha kulapho kugcama khona Tsabetse, aphambana netifiso tentfutfuko yemlingisi lomcoka, Mphikeleli. (2)
- 10.2.3 Yebo kungamfanela ngoba lesikolo latsi ufundze kuso siphatselene nesishikashiki setepolitiki Solomon Mahlangu. Esikhatsini lesinyenti bantfu labangahambisani nepolitiki batsatsa bantfu labahambisana nayo njengemaphekulatikhuni. Imibono itawehluka iphikise loku lokushiwoko. (2)
- 10.2.4 Yebo usisebentise kahle. Lapha kuletheksthi Mphikeleli ubitelwe kutewutjelwa kutsi uma kuvalwa tikolo ahambe unomphela angasabuyi ngoba mdzala futsi iphothfoliyo yakhe ayifundzeki. Loku kuye bekusho kona kutsi tintfo betitimbi impela, atihambi ngendlela lafuna yona. (2)
- 10.2.5 Ngiyawumelana nalombono. Lapha kuhlukunyetwa lilungelo laMphikeleli lekutsi afundze ngoba kulilungelo lalowo nalowo mntfwana kutsi atfole imfundvo. (2)
[25]

SAMBA SIGABA B: 25

SIGABA C: UMDLALO**UMBUTO: KWAHLWA EMINI – JJ Thwala**

Indzabambhalo ngesibekandzaba semdlalo

SINGENISO SENDZABAMBHALO

Bahlolwa balindzeleke kutsi baphawule ngekubumbana kwebadlali, kwalokwentekako nesibekandzaba sonkhe emaphuzwini esimonhlalo, simo sendzawo nesimo sesikhatsi.

UMTIMBA

Lapha bahlolwa balindzeleke kutsi badzingidze leso naleso sigaba sesibekandzaba semdlalo kuvete loku lokulandzelako:

- **Simo senhlalo/emasikonhlalo.**

Umhlolwa ubuka indlela lekuhlaliswene ngayo nendlela lekuphiliswana ngayo kulomdlalo. Sib: Kunemakhosi lapho kubangiswana khona bukhosi. Kunesitsembu lesitekwe yinkhos. Kunemacembu lahambisana nalabo lababangako, inkholelo yabo etinyangeni, kwelashwa kwesintfu, kufuywa kwetinkhomo. Konkhe loku kufanele kuphawulwe kutsi kubumbene kangakanani nesibekandzaba. Konkhe lakushoko umhlolwa akwesekele ngekucaphuna amdlalweni.

- **Simo sendzawo**

Lapha kuphawulwa ngendzawo indzaba leyenteka kuyo. Sib: indzawo yaseLusizini yesive sakaNhlapho, indzawo lenetintsaba, tihlahla, emadlelo emawa. Konkhe loku kufanele kuphawulwe kutsi kubumbene kangakanani nesibekandzaba. Njengekubitela kwaboMakhosi kutewugwazana ngetijula emaweni, kushayisa etjeni kwaSicongo afe. Konkhe labakushoko bahlolwa bakwesekele ngekucaphuna emdlalweni.

- **Simo sesikhatsi**

Lapha bahlolwa baphawula ngesikhatsi indzaba leyenteka ngaso. Sib: sikhatsi sasendvulo, babambelele emasikweni, kusabangwa bukhosi, basebentisa tijula, kwakhiwe tindlu tesintfu, (emalawu aboMakhosi naboNkhanise). Bahlolwa abaphawule kutsi loku kuhambelana kangakanani nesibekandzaba, besekele ngekucaphuna emdlalweni.

SIPHETFO SENDZABAMBHALO

Bahlolwa baphawula ngekwemibono yabo ngemphumelelo nobe kwehluleka kwembhali ekusetfuleleni sibekandzaba semdlalo lesibumbene nebadlali babuye banike netincomo lapho kufanele khona.

BONA SICHIBIYELO B SEMARUBHRIKI EKUMAKWA KWENDZABAMBHALO.

[25]

NOBE

UMBUTO 12: KWAHLWA EMINI – JJ Thwala

- 12.1 Kulapho kwafela khona Sicongo naNdleleni esiphetfweni salomdlalo. (2)
- 12.2 Ngemandla ekubulala lalunjwe lesijula silunjelwa Makhosi. (2)
- 12.3 Lesijula silunjiwe, kantsi futsi Ndzabeni wabeka nemtsetfo wekutsi singabanjwa ngumuntfu ngoba tikhatsi tekusibamba tibaliwe. Bekangasati kutsi sesiyingoti kangakanani kubo, funa sibulale bona. (2)
- 12.4 Lokutsi Nkhanise atsi 'Lamuha Iwemancamu' kuhambisana nekubikelwa kutsi ngulolosuku latawufa ngalo. (2)
- 12.5 Ufundza kutsi ungabogubhela umuntfu umgodzi ngoba kungahle kungene wena njengakuletheksthi, boNkhanise batsi babulala Makhosi kwagcina kufe bona. (2)
- 12.6 Letheksthi ilicophelo lelisetulu lalomdlalo, isondzele lapho konkhe kuphela khona. Iluvutfondzaba iphindze isondzele esiphetfweni sendzaba. (2)
- 12.7 Bonkhanise naMakhosi babanga bukhosi bakaNhlapho. Kulesikhatsi sanyalo ukhandza bantfu babanga emandla ekuphatsa ikakhulukati kutepolitiki. Kantsi nalapha eNingizimu Afrika tikhundla tekuphatsa live tiyabangwa. (2)
- 12.8 Ngiyavumelana, ingwijikhwebu isho kutsi kwenteka intfo lebeyingakalindzeleki. Kulomdlalo bekufanele kufe Makhosi, esikhundleni saloko kugcine kufa Nkhanise, Ndleleni naSicongo. Makhosi wasindza. (2)
- 12.9 Lombono uliciniso, Sicongo kuleliwa bekaya ngoba atsi uyobulala Makhosi, kantsi konkhe kutawujika kugcine kufa yena. Loku kusho kutsi kuya kwakhe eweni bekabitwa kufa. (2)
- 12.10 Ulilandzele kakhulu ngoba ekugcineni kwemdlalo Mkhalelwa sive siyamkhalela ngekushonelwa bantfwana bakhe boNkhanise naNdleleni. Imibono itawehluka, labanye batawuphikisa lombono ngoba Nkhanise angesuye umntfwanakhe, futsi lombango udalwe nguye matfupha ngekungabatjeli emaciniso ngemvelaphi yaNkhanise. (2)
- 12.11 Lesaga sisho kutsi umuntfu usuke atsatsa luhlangotsi kuloko lakwentako. LaJele ugcugcutela Nkhanise kutsi akangayekeli Makhosi atsatse bukhosi ngobe nguye indlalifa yaMkhalelwa, abe ati kahle kutsi Nkhanise akusuye umntfwana waMkhalelwa. (naleminyo imibono). (2)
- 12.12 Usefule ngekutsi Nkhanise ente lisu lekutsi Sicongo ayobita Makhosi ambitile eweni atsi ubitwa nguLungile intfombi yakhe ngobe ati kahle kutsi utawuya agijima njengobe asho naye kutsi utawuya agijima, kantsi kulapho batawufike bambulale khona. (3)

[25]

NOBE

TIMPHENDVULO TEMVUZO**UMBUTO 13: UMVUZO – NS Nzima****INDZABAMBHALO**

Sifundvo lesitfolakala kulomdlalo nendlela lesetfulwe ngayo.

SINGENISO:

Bafundzi bachaza kafishane ngesihloko, sib.

- Kubaluleka kwekutfola sifundvo emva kwekufundza indzaba
- Kuhambelana kwetetsamelilwati nesifundvo.
- Ligalelo lesifundvo etetsamelinilwati, njll.
- Kuba nendlela yekwetfula lesifundvo.

EMAPHUZU LANGETFULWA EMTIMBENI WENDZABAMBHALO:**Sifundvo lesitfolakala endzabeni:**

CAPHELA: Bafundzi abasho sifundvo babuye basho nendlela lesetfulwe ngayo njengobe umbuto ubutile.

- Kusebentisana nebantfu lophila nabo: *Bafundzi baseMkhuphukantsaba bebasebenta kanye kanye nabenta tifundvo tabo.*
- Lwati Iwenchubo yendzabuko: *Inkhulumo yaSiwela.*
- Kutiphatsa kahle emmangweni: *Inkhulumo yaThishela Shabalala.*
- Kusebenta ngekutikhandla kute uphumelele ekugcineni: *Imiphumela yebafundzi labebasebenta ngekutimisela.*
- Umvuzo wekutiphatsa kabi kukhala: *Umvuzo waSatile naMlandzeli.*
(Nalamanye emaphuzu lashaya emhlolweni emukelekile)

SIPHETFO:

Bahlolwa balindzeleke kutsi basonge emaphuzu labacoce ngawo emtimbeni wendzaba, basho kubaluleka kwesifundvo nemphumelelo nobe kwehluleka kwembali ekwetfuleni lesifundvo babuye banike netincomo lapho kufanele khona.

BONA SICHIBIYELO SEMARUBHRIKI EKUMAKWA KWENDZABAMBHALO.

[25]

NOBE

UMBUTO 14: UMVUZO – NS Nzima

- 14.1 Bekamema bantfu bemmango kutsi batekwetfulela bafundzi tinkhulomo ngalokwenteka emmangweni. (2)
- 14.2 Imibono itawehluka: sib.
- Kwenta bothishela labanye basebente ngekutimisela, babeketele,
 - Kulungisa similo sebafundzi.
 - Kukhutsata bafundzi kutsi bafundzele buthishela, njll.
- 14.3 Tetsamelilwati talomdlalo tifundze ngenshokutsi yeligama lesikolo saseMhuphukantsaba kutsi ikhutsata bafundzi kutsi intfutfuko labatayitfola kulesikolo ingumcansa kumele batimisele./ Intsandvo yelinyenti kufanele inakwe ekucanjweni kwemagama etikhungo. (2)
- 14.4 Bahlolwa batawusho tintfo letihlupha lusha ngekulawula timilo talo sib. Tidzakamiva, tjwala, nalokunye. Kumele basho nendlela letinkinga letisonjululwa ngato, sib. Kuyiswa kwelusha kubosonhlalakahle, emasontfweni, bodokotela bengcondvo naletinye tikhungo. (2)
- 14.5 Akazange aphumelele emaphupho aSatile ngobe watfolakala asasesibhedlela sekwembulwa kwembeswa ngesifo sembulalave, kantsi nasephepheni lemiphumela akazange avele. (2)
- 14.6 Bahlolwa balindzelwe kutsi basho nangabe lomyalo waLaMbuli uyimfundzisolite nobe uyintfo lekumele yemukelwe njengemaciniso mbamba. Imibono itawehluka.
Bakhona labatawutsi kuyimfundzisolite ngobe tintfombi talomuhla setinemalungelo setiyalingana netingani tato, boyisetala kumele babukwe emehlweni ngobe sesilumbi, kantsi labanye batawusho kutsi kulisiko lekumele lingacekelwa phasi. (Imibono itawehluka). (2)
- 14.7 Kungemaciniso ngobe umtsetfosisekelo wakuleli utsi bodokotela netinyanga kufanele basebentisane. Loku kusita bafundzi kutsi babe nelwati lolubanti ngenchubo yelwati lwetendzabuko netasenshonalanga kute bakwati kutikhetsela imikhakha labafuna kuyilandzela etimphilweni tabo. (2)
- 14.8 Ingayitfukisa ngekutsi etingcocweni temacembu kuba nemibono leminyenti lengasita ekutfukululeni tinkinga telive lakitsi, nemmango nawo ungasitakala ngaloku. (imibono itawehluka) (2)
- 14.9 Lusha lwalomuhla lubukene nenselele yekuhlaselwa sifo sembulalave ngako-ke luyecwayiswa kutsi lucaphele lungangeni elugibeni lolufana nelwaSatile. (2)
- 14.10 Imibono itawehluka. Labanye batawutsi utilandzele, bavete tonkhe tigaba temdlalo labatatiko kulomdlalo, sib. Setfulo, ludvweshu, sicakacaka, sicongo nesiphetfo. Labanye batawutsi wehlulekile ngoba lomdlalo uveta setfulo nesiphetfo kuphela. Leti letinye tigaba temdlalo njengeludvweshu, sicakacaka, nesicongo/luvutfondzaba atibonakali kulomdlalo. (2)

- 14.11 Lomdlalo ugcame kakhulu ngenkhulumiswano lengenawo umnyakato. Loku kwenta kutsi lumphawu Iwekuba ngumdlalo lungaveli kahle kuhindze kwehlise nelizinga lalomdlalo namdvonseni wekuyifundza ... (imibono itawehluka) (2)
- 14.12 Lesaga sisho kutsi uma ungacapheli kusenesikhatsi ubalekele bubi lobutakufaka engotini kusenesikhatsi utawugcina uwele engotini njengaye Mlandzeli lowayekela kulalela bangani bakhe nabamyala ngetento takhe letimbi, wagcinela ejele. (3)
[25]

SAMBA SIGABA C: 25
SAMBA SAKO KONKHE: 80

SICHI BIYELO A**EMARUBHRIKI EKUMAKA TINKONDLO**

EMARUBRIKI EKUMAKA INDZABAMBHAL O YETINKONDLO LULWIMI LWASEKHAYA 10 EMAMAKI	LULWIMI <i>Sakhwiyo, kutseleana emanti. Lulwimi, kwemibono kanye nesettulo. Lulwimi, umoya. Nositayela lesisetjentisiwe endzabenimbhalo.</i>	Emalengiso Kunekubumbana kwesakhiwo. - Singeniso nesiphetho kungemalengiso. - Imibono yakheke kahle yatfutukiswa ngemalengiso. - Lulwimi, liphimbo nesitayela kuvutiwi kungemalengiso.	Licophelo lelisetulu - Itheksti yakheke ngelicophelo lelisetulu. - Singeniso nesiphetho kusecophelweni lelisetulu. - Imibono ilandzeleka kalula. - Lulwimi, liphimbo nesitayela kulungile kuhambisana nenjongo. - Umbhalo wetfulwe kahle.	Lokuncomekako - Sakhwiyo lesicacile nemibono levakalako. - Singeniso nesiphetho naletinye tindzima kubumbene. - Imibono iyevakala Lulwimi, liphimbo nesitayela kulungile.	Lokwenetisako - Kunebufakazi lobutsite besakhiwo. - Umbhalo awuvisiseki futsi awukabumbani. - Kunemaphutsa lambalwa elulwimi, liphimbo nesitayela lokufanene. - Tindzima tikahle.	Lokulingene - Sakhwiyo siveta emaphutsa ekuhlela. - Imibono ihlangahlangene. - Kunemaphutsa elulwimi. - liphimbo nesitayela akuhambisani nenhloslo yembhalo. - Tindzima tinemaphutsa.	Lokuyinceny - Kwefuleka kabi nekungahleleki kwesakhiwo kwenta imibono ingevakali. - Emaphutsa elulwimi. Nesitayela lesingakalungi kwenta umbhalo longenamphumelelo. - Tindzima tinemaphutsa.	Lokungenamphumel elo - Kulikhuni kubona kutsi sihloko silandzelwe. - Akunabufakazi bekuhlela futsi akuvakali. - Lulwimi lunemaphutsa lamanyenti. - liphimbo nesitayela lokungakalungi. - Akunatindzima nekubumbana.
Lokuncomekako - Ukhombisa kuvisisa abuye ahumushe sihloko ngalokuncomekako. - Impendvulo inemininingwane lencomekako. - Unikete imibono levakalako, kepha ayikesekelwa yonkhe ngendlela lelindzelekile. - Kunebufakazi bekuvisisa luhlobo lwembhalo nenkondlo ngalokuncomekako.	5 60 – 69%	7 – 8	6½ – 7 ½	6 – 7	5½ – 6 ½	5 – 6		

Lokwenetisako <ul style="list-style-type: none">- Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko.- Leminye imibono yesekelwe kepha bufakazi kulesinye sikhatsi abenetisi.- Kunekuvisisa luhlobo lwembhalo nenkondlo ngalokwenetisako.	4 50 – 59%		6 – 7	5½ – 6 ½	5 – 6	4½ – 5 ½	4 – 5	Lokwenetisako <ul style="list-style-type: none">- Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko.- Leminye imibono yesekelwe kepha bufakazi kulesinye sikhatsi abenetisi.- Kunekuvisisa luhlobo lwembhalo nenkondlo ngalokwenetisako.
Lokuncomekako <ul style="list-style-type: none">- Ukhombisa kuvisisa abuye ahumushe sihloko ngalokuncomekako.- Impendvulo inemininingwane lencomekako.- Unikete imibono levakalako, kepha ayikesekelwa yonkhe ngendlela lelindzelekile.- Kunebufakazi bekuvisisa luhlobo lwembhalo nenkondlo ngalokuncomekako.	5 60 – 69%	7 – 8	6½ – 7 ½	6 – 7	5½ – 6 ½	5 – 6		
Lokwenetisako <ul style="list-style-type: none">- Uhumushe sihloko ngalokwenetisako. lamanye emaphuzu awakahlolisiswa Kunemaphuzu latsite lamahle lasekele sihloko.- Leminye imibono yesekelwe kepha bufakazi kulesinye sikhatsi abenetisi.- Kunekuvisisa luhlobo lwembhalo nenkondlo ngalokwenetisako.	4 50 – 59%		6 – 7	5½ – 6 ½	5 – 6	4½ – 5 ½	4 – 5	

Lokulingene <ul style="list-style-type: none">- Umtamo lolingene wekuphendvula umbuto.- Imphendvulo ikhombisa lwati loluncane ngesihloko.- Imibono ayenelisi kunkusekela lokuncane lokuchamuka enkondlweni.- Umfundzi usengakaluvisisi luhlobo lwembhalo nobe inkondlo.	3 40 – 49%			5 – 6	4½ – 5 ½	4 – 5	3½ – 4 ½	3 – 4
Lokuyincenyę <ul style="list-style-type: none">- Akavisi sihloko.- Imphendvulo inekuphindzaphindza kulesinyę sikhatsi iphumile esihlokweni.- Imibono ayikajuli, emaphutsa ekihumusha/Imibono ayikasekelwa ngalokusenkondlweni.- Umfundziakanalwati Iweluhlobo lwembhalo nobe inkondlo.	2 30 – 39%				4 – 5	3½ – 4½	3 – 4	1 – 3½
Lokungenamphumelelo <ul style="list-style-type: none">- Imphendvulo iinekuhamisana lokutsite nesihloko kepha kulikhuni kuyilandzela nobe esikhatsini lesinyenti iyanhlahlatsa.- Wehlulekile kuphendvula sihloko.- Umfundziakanalwati Iweluhlobo lwembhalo nobe inkondlo.	1 0 – 29%					3 – 4	1 – 3½	0 – 3

[10]

SICHI BIYELO B**EMARUBHRIKI EKUMAKA INDZABAMBHALO YENOVELI NEMDLALO****I-Rubhrikhi yekuhlola I eseyi yeTemibhalo-(25 emamaki)**

EMAZINGA EMAMAKI LAKLONYELISWAKO		LOKUCUKETFWE (15) KUCHAZWA KWESIHLOKO, KUJULA KWEMIBONO, KUSEKELA NEKUVISISA UMSEBENTI LOMELE WENTIWE.	EMAMAKI LAKLONYELI- SWAKO NALOKUPHA- WULWAKO	SAKHIWO NELULWIMI (10) KUHLELEKA KWEMISEBENTI NEKUSENTJETISWA KWELULWIMI. LUHLAKA, SAKHIWO KULANDZELANA NEKWETFULWA KWEMIBONO -KUSENTJETISWA KWELULWIMI ITHONI NESITAYELA LESIFANELE.
Lizinga 7 80% –100%	Emalengiso 12 – 5 Emamaki	-Sihloko usivisia ngalokujulile. -Tonkhe tinhlangotsi tesihloko tidzingidvwe ngalokuphelele. -Imphendvulo ingemalengiso(90% – 100%). -Kunemibono lenembako levakalako lesekkelwe ngekucaphuna encwadzini lefundvwako. -Luhlobo lwembhalo nencwadzi lefundvwako ukuvisisa kahle.	Emalengiso 08 – 10 Emamaki	-Sakhiwo sihleleke kahle, tindzima tikhomba budlelwano bemicondvo lobuhlanganiswe ngebuciko. - Singeniso nesiphetfo kubhaleke kahle kakhulu. -Imibono lebalulekile ihlelwe kahle kakhulu yasekelwa ngalokuvakalako. -Lulwimi, ithoni nesitayela kukhomba kucabanga lokutfutfukile, lokuncomekako nalokwemukelekako.
Lizinga 6 70% – 79%	Licophelo Lelisetulu 10½ – 11½ Emamaki	-Sihloko sichazwe ngendlela lekhomba kuvisisa umsebenti. Tonkhe tinhlangotsi tesihloko tidzingidvwe ngalokwanele. - Imphendvulo inemininingwane yonkhe ledzingekako. - Imibono levakalako minyentana. -Isekkelwe kahle ngekucaphuna encwadzini lefundvwako. -Luhlobo lwetemibhalo nencwadzi ukuvisisa kahle.	Licophelo leisetulu 7 – 7½ Emamaki	-Indzaba ihleleke kahle. -Singeniso nesiphetfo kuhle kakhulu. -Imicondvo, nemibono yakhe ilandzeleka kalula. -Lulwimi, ithoni. Nesitayela kwemukelekile futsi kuhambisana nenhlosongco yembhalo. -Indzaba yetfuleke kahle.
Lizinga 5 60% – 69%	Lokuncomekako 09 – 10 Emamaki	-Indzaba ikhomba kuvisisa nekusichaza kahle sihloko. -Imphendvulo inemininingwane lencomekako. -Leminye imibono levakalako iniketwe yasekelwa ngekucaphuna encwadzini, kodvwa hhayi ngalokunembako -Tikhona tinhomba tekuvisisa luhlobo lwetemibhalo kanye nencwadzi lefundvwako.	Lokuncomekako 6 – 6½ Emamaki	-Sakhiwo siyacaca nemicondvo yetfulwe ngalokulandzelekako. -Singeniso, sipheto, naletinye tindzima kuhleleke ngalokukhomba budlelwane bemicondvo. -Kwetfulwa kwemibono kuyalandzeleka. -Lulwimi, ithoni, nesitayela kuyancomeka futsi kuyemukeleka.

Lizinga 4 50% – 59%	Lokwenetisako $7\frac{1}{2} - 8\frac{1}{2}$ Emamaki	-Sihloko sichazwe ngalokwenetisako kodvwa akakhoni kudzingidza tonkhe tinhlangotsi. -Ikhona leminye imibono lesekela sihloko. -Cishe yonkhe imibono yesekelwe kodvwa lobufakazi abusibo lobujabulisako. -Luhlobo IweTemibhalo nencwadzi ukuvisisa kancane.	Lokwenetisako 5 – $5\frac{1}{2}$ Emamaki	-Tikhonyana tinkhomba tekuhleleka kwendzaba. -Indzaba ite kahle sakhiwo lesinemicondvo lelandzelekako lebumbene kahle. -Kunemaphutsa ekusebentiseni lulwimi. - Ithoni nesitayela kusebentiseke kahle. -Sikhatsi lesinyenti tindzima cishe tibhaleke kahle.
Lizinga 3 40% – 49%	Lokulingene 6 – 7 Emamaki	-Imphendvulo ayinalo lisasasa, ayihehi. -Imphendvulo ikhomba kusivisia kancane sihloko. - Imibono ayivakali kahle futsi uyisebentisa kancane incwadzi kwesekela imibono yakhe. -Umfundzi akaluvisisi kahle luhlobo Iwembhalo noma lencwadzi lefundvwako.	Lokulingene 4 – $4\frac{1}{2}$ Emamaki	-Luhlaka nesakhiwo lunemaphutsa. -Imibono ayikahleleki ngalokukhomba kuhambelana kwemicondvo. - Kunemaphutsa ekuhleleni tindzima. -Kunemaphutsa ekusebentiseni lulwimi. -Ithoni nesitayela akuhambisani nenhlosi yalombhalo.
Lizinga 2 30% – 39%	Lokuyinceny $4\frac{1}{2} - 5\frac{1}{2}$ Emamaki	-Sihloko usivisia kancane ngalokungenetisi. -Uyatiphindzaphindza, ahle aphuma nasesihlokweni anhlanhlatsa. -Imibono ayijuli, inchazelo yesihloko inemaphutsa. -Imibono ayikasekelwa ngekucaphuna encwadzini lefundvwako. - Incwadzi akayati kahle neluhlobo Iwetemibhalo akaluvisisi kahle.	Lokuyinceny 3 – $3\frac{1}{2}$ Emamaki	-Indzaba yetfulwe ngalokungenelisi. -Kweswelakala kwesakhiwo kwenta imibono ingalandzeleki. -Lamaphutsa lamanyenti avele ente le eseyi ibe ngumbhalo longakaphumeleli.
Lizinga 1 0% – 29 %	Akunamphumelelo 0 – 4 Emamaki	-Imphendvulo inako kuhambelana nesihloko kodvwa imibono ilandzeleka kalukhuni. -Kulesinye sikhatsi ayihambelani nesihloko. -Umbuto awukaphendvuleki ngendlela lefanele. - Imibono lemincane lekhona ayikasekelwa ngekucaphuna encwadzini lefundvwako. -Kuvisisa luhlobo Iwetemibhalo noma incwadzi lefundwwwako kusezingeni lelipansi kakhulu.	Akunamphumelelo 0 – 2 Emamaki	-Kulukhuni kubona kutsi uphendvula ngesihloko labutwe ngaso. - Kute luhlaka nesakhiwo. -Kute tindzima norma kuchumana kwetindzima noma kwemicondvo. - Lizinga lekusebentisa lulwimi liphasi kakhulu. - Ithoni nesitayela akukasebentiseki kahle.

[25]

SAMBA SAKO KONKHE: 80